


Tango&Cash, 2j.



suechet zäme es nöiis Daheime i reiner Wohnigshautig

Liebi Tierfründe

Mir wüsset's: Wunschzettle schriibet mer erscht wiedr ar Wiiehnachte. Nume: solange chö mir nid warte. Mir sy dringänd uf dr Suechi nach eme nöie Daheime. Warum? Üse Doseöffner isch schwär erkrankt u cha üs nüm versorge, drum wohnet mir vorübergehend ire Chatzepension. Abr das geit nid uf Duur. Drum!

Mir sy zwöi liebi Buebe, nid verwandt, abr befründet, dr schwarz Cash u dr Tigr-Wiis Tango, 2jährig, kaschtriert, gimpft, schtuberein, fit u sähr mönschebezoge. Ig schtäu üs mou vor: ig bi dr Cash, u nid so schüech wi dr Tango, bi sähr aahänglech u nöigiirig u liebe's mit auem u jädem z'schpiue u z'schmüsele. Dr Tango isch da es birebitzeli angersch, er isch no sähr handschüech, abr er bisset u chratzet nie. Er bruuchet eifach sini Ziit zum Aachoh, mit ihm muess mer no es bitzeli schaffe. Abr er isch bschtächlech, für Schpiue u Gudelis macht er fascht aues. Leidr isch dr Tango a FIP erkrankt, er macht grad di nöie FIP-Therapie, duuret no e Monet, denn sött's guet sy. Er bruuchet no si's Medi drümau am Tag, nimmt er abr brav i Chatzemiuch. Das isch e ganz e nöie Therapie u d'Erfougsuussichte sy sähr guet. Er isch ou absolut fit u mer merkt ihm nüt a. Im Gägetei: er schpiut fascht no meh aus ig.

Mir wünsche üs wiedr es ruhigs Daheime bi liebi Mönsche, die wo bsundrs em Tango aui Ziit der Wäut gäh zum Aachoh, die Erfahrig u Geduud mitbringe u ihn eifach i sim Tempo la d'Wohnig erschunde. Genau, Wohnig mit gsicheretem Baukon reicht üs vouchomme. Ching, Hung u angeri Chatze wönnt mir nid im nöie Daheime. Mir sy's so gwöhnet, nur mir zwöi. U üse Mönsch! Hesch Du Di grad es bitzeli i üs verguckt? U bisch Du villiicht grad früsch pensioniert odr sunsch viu daheime? U hesch Du en ruhige Huushaut u en gsicherete Baukon? U viu Ziit für üs u Luscht zum Schpiue? Das wär's! Denn müesset mir üs unbedingt lehre chenne. Derziit wohne mir z'Emmenbrücke/LU, aber mir züggle gärn zu Dir, wo au immr Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöie Plätzli. Mir fröie üs uf Di!

Dini Tango&Cash



Katze sucht Mensch - Mensch sucht Katze

Sonja Ball

Tel.Nr. 079 333 45 62 (werktags 18-20h)

kontakt@katze-sucht-mensch.ch